



Broj: UP1-05/1-27-021008-4/15
Tuzla, 25.08.2015. godine.

Ministarstvo trgovine, turizma i saobraćaja Tuzlanskog kantona rješavajući po zahtjevu prijevoznika „ROAD“ d.o.o. iz Lukavca za brisanje autobuske stanice na redu vožnje kantonalne autobusne linije DEVETAK - LUKAVAC - SIMIN HAN (A.S. „ISTOK“) na osnovu člana 52. Pravilnika o načinu, kriterijima i postupku usklađivanja, ovjeri i registraciji redova vožnje, te sadržaju i načinu vođenja registra ("Službeni novine FBiH", br. 79/13, 91/14 i 98/14) i člana 200. Zakona o upravnom postupku („Službene novine FBiH“, br. 2/98 i 48/99), donosi

RJEŠENJE

1. Prijevozniku „ROAD“ d.o.o. iz Lukavca **ODOBRAVA SE** brisanje „**Autobuske stanice Zapad**“ i **izmjena naziva stajališta ispred Međugradske autobuske stanice u Tuzli** upisanih u stari red vožnje na kantonalnoj liniji DEVETAK - LUKAVAC - SIMIN HAN (A.S. „ISTOK“) sa vremenom polaska iz Devetaka u 22,55 i vremenom povratka iz Simin Hana u 22,50, a koji je zaveden u registar kantonalnih redova vožnje pod brojem: 18-7/2012 od 06.10.2012. godine.
2. U skladu sa tačkom 1. ovog rješenja izvršiti ovjeru reda vožnje i itinerara sa rokom važenja do 01.10.2015. godine, do kada je bio ovjeren i stari red vožnje.
3. O izmjeni reda vožnje na navedenoj liniji prijevoznik je dužan obavijestiti autobuske stanice koje ima upisane na registrovanom redu vožnje.

O b r a z l o ž e n j e

Prijevoznik „ROAD“ d.o.o. iz Lukavca obratio se zahtjevom broj: 101-07/15 od 23.07.2015. godine i dopunom zahtjeva od 19.08.2015. godine, kojim traži da mu se na kantonalnoj liniji DEVETAK - LUKAVAC - SIMIN HAN (A.S. „ISTOK“), zavedenoj u registar kantonalnih redova vožnje pod brojem 18-7/2012 od 06.10.2012. godine, odobri promjena, tj. brisanje „Autobuske stanice Zapad“ i izmjena naziva stajališta ispred Međugradske autobuske stanice u Tuzli, a koje ima upisane u registrovanom redu vožnje.

U skladu sa članom 52. Pravilnika o načinu, kriterijima i postupku usklađivanja, ovjeri i registraciji redova vožnje, te sadržaju i načinu vođenja registra u registracijskom periodu, izvan postupka koji je regulisan ovim Pravilnikom, mjerodavno tijelo koje vodi Registar može vršiti promjene na registrovanom redu vožnje, tako da taj red vožnje u odnosu na usaglašeni i registrovani red vožnje ima status starog reda vožnje sa statusnom promjenom.